

***Tarikh Dibaca: 19 Februari 2016***

# **KHUTBAH JUMAAT**

***Tajuk:***

***“BERSIHKAN HATIMU”***

***\*\*\****

***Terbitan:***

***Unit Khutbah***

***Bahagian Pengurusan Masjid***

***JABATAN AGAMA ISLAM SELANGOR***



## SENARAI AHLI JAWATANKUASA KHUTBAH NEGERI SELANGOR

2016

1. **SS. Dato' Haji Haris Bin Kasim** (Pengerusi)  
Pengarah Jabatan Agama Islam Selangor
2. **Tuan Haji Ahmad Zaki Bin Arsad** (Timbalan Pengerusi)  
Timbalan Pengarah Jabatan Agama Islam Selangor
3. **SS. Dato' Haji Abdul Majid Bin Omar** (Ahli)  
Timbalan Mufti, Jabatan Mufti Negeri Selangor
4. **Tuan Haji Idris Bin Ramli** (Setiausaha)  
Ketua Penolong Pengarah, Bahagian Pengurusan Masjid, JAIS
5. **Yg. Berbahagia Prof. Madya Dr. Osman Bin Sabran** (Ahli)
6. **Tuan Haji Sianid Bin Mokim** (Ahli)
7. **Tuan Haji Hamid Bin Md Isa** (Ahli)
8. **Tuan Haji Md. Sahari Bin Abdullah** (Ahli)
9. **Tuan Haji Abdul Halem Hapiz Bin Salihin** (Ahli)
10. **Ustaz Muhammad Farhan Bin Wijaya** (Ahli)  
Imam Besar Masjid Sultan Salahuddin Abdul Aziz Shah
11. **Ustaz Indera Shahril Bin Mohd Shahid** (Ahli)  
Majlis Agama Islam Selangor
12. **Ustaz Hairol Azmi Bin Khairudin** (Urusetia)  
Penolong Pengarah Unit Khutbah, BPM, JAIS



## "BERSIHKAN HATIMU"

الْحَمْدُ لِلَّهِ الْقَائِلِ: الَّذِينَ ءَامَنُوا وَتَطْمِئِنُّ قُلُوبُهُمْ بِذِكْرِ  
اللَّهِ أَفَلَا يَذَكِّرُ اللَّهُ تَطْمِئِنُّ الْقُلُوبُ ﴿٢٨﴾  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ  
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،  
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ  
اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ  
وَلَا تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat yang dirahmati Allah sekalian,

Saya berpesan buat diri saya dan tuan-tuan sekalian, marilah kita bertaqwa kepada Allah SWT dengan melaksanakan segala suruhan-Nya dan menjauhi segala larangan-Nya.

Tajuk khutbah kita pada hari ini ialah "**BERSIHKAN HATIMU**".



**Hadirin Jumaat sekalian,**

Kata pepatah Melayu 'ikut hati mati, ikut rasa binasa, ikut nafsu lesu'. Kenapa mati dikaitkan dengan hati? Kerana hati merupakan punca setiap perlakuan dan sesuatu tindakan.

Hadis daripada Nu'man Bin Basyir RA bahawa Rasulullah SAW bersabda:

أَلَا إِنَّ فِي الْجَسَدِ مُضْغَةً إِذَا صَلَحَتْ صَلَحَ  
الْجَسَدُ كُلُّهُ ، وَإِذَا فَسَدَتْ فَسَدَ الْجَسَدُ كُلُّهُ  
أَلَا وَهِيَ الْقَلْبُ

*"Dalam diri anak Adam itu ada seketul daging, jika baik daging itu, maka baiklah seluruh jasad, Jika buruk daging tersebut maka buruklah seluruh jasad, itulah dia hati".*

*(Riwayat al-Bukhari dan Muslim).*

Manakala sebuah hadis daripada Abu Hurairah RA bahawa Rasulullah SAW bersabda:

إِنَّ اللَّهَ لَا يَنْظُرُ إِلَى صُورِكُمْ وَأَمْوَالِكُمْ  
وَإِنَّمَا يَنْظُرُ إِلَى قُلُوبِكُمْ وَأَعْمَالِكُمْ

*"Sesungguhnya Allah tidak melihat rupa dan harta kamu, tetapi Allah melihat hati dan amalan kamu"*



(Riwayat Muslim).

Jika begitulah nilai Allah, apa guna letaknya hidup terpacak tetapi masjid tidak dijejak. Apalah hebatnya tubuh yang sasa jika berat membantu teman yang papa. Apalah gunanya lesung pipit melekat di pipi jika hati hanya sepi tidak mengingati mati. Apa yang penting, nilai Allah letaknya di hati melangkaui nilai manusia yang hanya sifatnya duniawi. Justeru, kita tidak ada pilihan lain kecuali mengusahakan hati yang menyuburkan senyum di bibir. Hati yang sentiasa mengingatkan lidah akan besarnya nikmat menyebut nama-nama Allah. Hati yang sentiasa mendorong tangan dan kaki untuk menabur bakti dan khidmat untuk ummat.

### **Sidang Jumaat yang dimuliakan,**

Hati yang sejahtera namanya Qalbun Salim. Hati sejahtera sentiasa bertunjangkan akidah yang teguh. Akidah yang tidak mampu dirasuk dengan mainan harta dan pangkat. Malah sentiasa membuah hasil pada perbuatan yang terdorong untuk melakukan ibadat. Itulah perjuangan yang menentukan nasib kita di akhirat. Bijak pandai berkata; buah iman pada amal, buah amal pada ihsan. Ertinya, perjuangan mencari hati yang sejahtera merupakan jihad menuju ke syurga. Kerana yang dinilai di akhirat pastinya amalan yang lahir daripada hati yang sentiasa tunduk dan patuh kepada arahan Allah.

Maka tepatlah firman Allah SWT dalam surah asy-Syuara' ayat 88-89:

يَوْمَ لَا يَنْفَعُ مَالٌ وَلَا بَنُونَ ﴿٨٨﴾ إِلَّا مَنْ أَتَى اللَّهَ بِقَلْبٍ

سَلِيمٍ ﴿٨٩﴾



*"Hari yang padanya harta benda dan anak-pinak tidak dapat memberikan pertolongan sesuatu apapun. Kecuali (harta benda dan anak-pinak) orang-orang yang datang menghadap Allah dengan hati yang selamat sejahtera (dari syirik dan penyakit munafik)".*

### **Hadirin Jumaat sekalian,**

Bagaimanakah sifat hati yang sejahtera itu? Hati yang sejahtera itu akan mudah terdorong untuk melakukan kebaikan. Itulah hati yang mengenal Allah dan jatuh cinta dengan segala sifat keagungan-Nya. Hati yang tenang itu melihat musibah sebagai dugaan dan ujian tanpa menyoal ketentuan Allah. Hati yang bahagia itu tidak membesarkan masalah tetapi menyedari ia suatu proses latihan daripada Allah. Hati yang bahagia juga sifatnya mudah memaafkan kesalahan orang lain malah tidak suka berdendam. Untuk mendapatkan hati yang sejahtera, maka ikhlaskan diri dalam setiap amalan malah belajar untuk menghilangkan sifat-sifat keji yang menyelaputi hati. Buang segala hasad dan dengki serta dendam kesumat yang tidak berkesudahan. Persoalannya wahai saudara-saudaraku? Adakah kita memiliki ciri-ciri hati yang sejahtera yang disebutkan tadi?

Sebagai jawapannya, jalan memperolehi hati yang sejahtera tidaklah semudah yang disangka. Semakin kuat kita mengubah diri akan semakin hebatlah ranjau yang menghalang. Itulah namanya mujahadah (bersungguh-sungguh). Jalan mujahadah sentiasa berliku. Jalan menentang nafsu yang sudah merantai hati sekian lama pastilah disertai dengan seribu kepayahan. Biar kita bersusah-susah di dunia demi untuk menempah kamar indah di dalam syurga Allah. Itulah jalan-jalan yang telah disediakan oleh Allah SWT mengikut sunnah-Nya.

Allah SWT berfirman dalam surah al-Ankabut ayat 69:



وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ

الْمُحْسِنِينَ

*"Dan orang-orang yang berusaha dengan bersungguh-sungguh kerana memenuhi kehendak agama kami, sesungguhnya Kami akan memimpin mereka ke jalan-jalan Kami (yang menjadikan mereka bergembira serta beroleh keredaan); dan Sesungguhnya (pertolongan dan bantuan) Allah adalah berserta orang-orang yang berusaha memperbaiki amalannya".*

**Hadirin yang dirahmati Allah sekalian,**

Mujahadah itu didikan kepada hati. Ia merupakan didikan untuk menjadikan hati kita tidak dididik dengan kaya harta tetapi miskin jiwa. Imam Ibnu al-Qayyim menjelaskan bencana yang menimpa jutawan dunia pada hari ini adalah akibat mereka berpaling tadah daripada Allah. Renunglah, apakah yang menjadikan para sahabat nabi yang kaya dengan harta sentiasa tunduk tawaduk kepada Allah? Ini kerana kekuatan mereka ada pada hatinya yang tidak gelap mata dengan harta. Malah, harta menjadi alat untuk mereka mendampingkan diri kepada Allah dengan melakukan amal kebaikan dan membantu sesama muslim.

Ini bertepatan dengan hadis daripada Abu Hurairah RA bahawa Nabi Muhammad SAW bersabda:

لَيْسَ الْغِنَى عَنْ كَثْرَةِ الْعَرَضِ وَلَكِنَّ الْغِنَى  
غِنَى النَّفْسِ



*"Kaya bukanlah diukur dengan banyaknya kemewahan dunia, namun kaya yang sebenar ialah kaya hati".*

*(Riwayat al-Bukhari dan Muslim).*

Wahai hati yang tenang, ketika hati sedang berbolak-balik, ingatlah Allah dan pintalah perlindungan daripada-Nya. Jika hatimu pernah terpalang, bertaubatlah dan perbanyakkan istighfar. Jika masih di takuk lama saat sudah lama bermujahadah, pintalah sahaja hati yang baharu. Hati yang kembali mengingat Pencipta. Hati yang ingat akan janji ketika di alam ruh. Hati yang mengaku Allah itu pencipta dan Rasul itu pesuruhnya.

Untuk membersihkan hati, marilah kita melaksanakan perkara-perkara berikut:

1. Perbanyakkanlah membaca al-Qur'an kerana ia kunci mengingat Allah.
2. Basahkanlah lidah dengan zikir memuji kebesaran Allah. Mudah-mudahan dengan apa yang dilafaz meresap ke dalam hati.
3. Berkawan dan bersahabatlah dengan alim ulama'. Semoga dibimbing ke jalan yang benar.
4. Sentiasalah menghadirkan diri ke majlis-majlis ilmu, agar mendapat petunjuk dan hidayah Allah yang sebenarnya.
5. Sentiasalah membaca *أَعُوذُ بِاللَّهِ مِنَ الشَّيْطَانِ الرَّجِيمِ* moga terhindar daripada gangguan bisikan syaitan.

*أَعُوذُ بِاللَّهِ مِنَ الشَّيْطَانِ الرَّجِيمِ*





يَأْتِيهَا النَّفْسُ الْمُطْمَئِنَّةُ ﴿٢٧﴾ أَرْجِعِي إِلَىٰ رَبِّكِ  
رَاضِيَةً مَّرْضِيَّةً ﴿٢٨﴾ فَأَدْخُلِي فِي عِبَادِي ﴿٢٩﴾ وَأَدْخُلِي  
جَنَّتِي ﴿٣٠﴾

“(Setelah menerangkan akibat orang-orang yang tidak menghiraukan akhirat, Tuhan menyatakan bahawa orang-orang yang beriman dan beramal soleh akan disambut dengan kata-kata): "Wahai orang yang mempunyai jiwa yang sentiasa tenang tetap dengan kepercayaan dan bawaan baiknya! Kembalilah kepada Tuhanmu dengan keadaan engkau berpuas hati (dengan segala nikmat yang diberikan) lagi diredhai (di sisi Tuhanmu)! Serta masuklah engkau dalam kumpulan hamba-hamba-Ku yang berbahagia. Dan masuklah ke dalam Syurga-Ku!”.

(Surah al-Fajr : 27-30).



بَارَكَ اللَّهُ لِيْ وَلَكُمْ بِالْقُرْآنِ الْعَظِيمِ، وَنَفَعَنِيْ  
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ  
وَتَقَبَّلَ مِنِّيْ وَمِنْكُمْ تِلَاوَتَهُ، إِنَّهُ هُوَ السَّمِيعُ  
الْعَلِيمُ.

أَقُولُ قَوْلِيْ هَذَا وَأَسْتَغْفِرُ اللَّهَ الْعَظِيمَ لِيْ  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ  
فَازَ الْمُتَّقُونَ.

**Sidang Jumaat yang dirahmati Allah SWT,**

Mimbar Jumaat sekali lagi berpesan bahawa Islam mengajar umatnya supaya bersikap sederhana dalam segala amalan dan tindakan. Pada masa yang sama umat Islam disaran supaya menjauhi sebarang bentuk fahaman atau perbuatan ekstremis yang kesannya akan menjejaskan keharmonian, perpaduan, keselamatan ummah dan Negara. Tindakan ekstremis juga boleh memberikan tanggapan negatif terhadap kesucian dan kemuliaan agama Islam. Sebaliknya seluruh umat Islam amatlah dituntut agar menampilkan kemuliaan akhlak, sikap dan keperibadian tinggi sebagai muslim sejati agar



umum mengetahui bahawa Rasulullah SAW diutus dan Islam yang diperjuangkan adalah rahmat bagi seluruh umat dan sekalian alam.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا  
الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ  
صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ  
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ  
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.  
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى  
أَنْ تَحْفَظَ بَعِينَ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ  
سَلَاطُونَ، سُلْطَانَ شَرَفِ الدِّينِ اَدْرِيسِ شَاهِ



الحاج ابن المرحوم سلطان صلاح الدين عبد  
العزیز شاه الحاج. اللَّهُمَّ أَدِمِ الْعُونَ وَالْهَدَايَةَ  
وَالْتَوْفِيقَ، وَالصِّحَّةَ وَالسَّلَامَةَ مِنْكَ، لِيَوْلِيَ عَهْدِ  
سَلَاغُورَ، تَعَكُو أَمِيرِ شَاهِ ابْنِ السُّلْطَانِ شَرَفِ  
الدِّينِ ادريس شاه الحاج في أَمْنٍ وَصَلَاحٍ وَعَافِيَةٍ  
بِمَنْكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطْلِ  
عُمَرَهُمَا مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ،  
وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau



redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orang-orang yang melaksanakan zakat dan menyayangi fakir miskin serta mereka yang menginfakkan harta untuk Tabung Amanah Pembangunan Islam Selangor (TAPIS) dengan ganjaran pahala yang berkekalan hingga ke hari akhirat.

Demikian juga ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ  
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي



الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ  
يُعْظَمُ لِعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذُكُرْكُمْ وَأَشْكُرُوهُ عَلَىٰ  
نِعْمِهِ يَزِدْكُمْ، وَأَسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.